

Swcigih Aen Hozdung “Hoengzcibcih Gyaez-ndeq Soengq Fanh Gya” Byaij Haeuj Bahmaj

自治区“红十字博爱送万家”活动走进巴马

Vih hoengzyiengz cingsaenz Hoengzcibcih “yinzdau、gyaezndeq、gunghawj”, bangcoh vunzlai gungzhoj angqyangz gvaqcieng. 1 nyied 16 hauh, Swcigih Hoihhoengzcibcih aen hozdung “Hoengzcibcih gyaezndeq soengq fanh gya” byaij haeuj Bahmaj, youq aen yienh neix Sojloz Yangh Lung’yangz Cunh gien le buek “siengraeujrub” dij 3 fanh maenz ngaenz ndeu, 99 hoh hohgungzhoj gendangj laebgaj haenx ndaej yiengjsouh.

Ciuq cam rox, mbat neix gien gij “siengraeujrub” neix moix sieng ndawde doxgaiq dij ngaenz 343 maenz, ndawde coux miz buhmienz、denzmienz、haeuxsan、mienhdiuz、youzgwn、dangzbingj daengj saedcej ngoenznaengz yungh gwn.

(Veiz Mingzsungh/韦明崧)



► Vunzlai gungzhoj angqyangz lingx aeu “siengraeujrub”.



▲ Gezyez denjlj yienhciengz.

Gunghcwngz: Ban Beizyin Swnjcienz Ywyauz Banh Sat

恭城:瑶医药传承培训班成功举行

1 nyied 30 hauh, aen ban beizyin boux maenhndei swnjcienz Ywyauz youz Gvangjsih Cunghyihyozy Dayoz caeuq Gunghcwngz Yauz-cuz Swciyen doxgap banh haenx ndaej swnhleih banh sat. Gyoengq zozyenz daj daengx guek gak dieg daeuj haenx gaenq miz 198 vunz doenggvaq gaujsi ndaej bonjcwng gezyez.

Ciuq cam rox, aen ban beizyin neix dwg daj 2017 nienz 9 nyied haiban. Mbat ban beizyin neix banh ndaej baenz, doiq hoengz-yiengz vwnzva Ywyauz, gyavaiq saehnlieb yihliuz veiswngx caeuq hwngfat ginghci dieg Yauzcuz, coicaenh gak minzcuz doxhuz caeuq doengzcaez hwngfat miz yihi hungloet.

(Lij Mouyangh/李茂香)



▲ Bouxdaeuz hawj zozyenz fat bonj cwng gezyez.

Yungzsuij: Vwnzva Soengq Daengz Mbanj Gvaqnienz Heiq Engq Noengz

融水:文化送壮寨“年味”别样浓

1 nyied 26 hauh, Liujcouh Siveij Senhconzbu、Vwnzlenz daengj danhvei, youq Yungzsuij Dalang Cin Sanglij Mbanjcuengh haiguh aen hozdung vwnzva banggunz nem cawjdaez saedguh “haeujaeg saedcej caprag yinzminz” senhconz Cibgouj Daih cingsaenz he. 40 lai boux guh hong vwnzyi haenx yienhciengz

vih beixnuengx Bouxcuengh sij doiqlienz、biujyienj cezmuz、ingj mbawsiengq “fuk-cienzgya”、soengq saw mbouj aeu cienz caeuq camnai vunzlai gungzhoj daengj, dawz angq-yangz caeuq raeujrub soengq daengz henz ndang vunzlai, sawj ciethieq fwnveiz hoengghwd.

(Lungz Linzci/龙林智)



▲ Boux guh hongvwnzyi rag yienj soujfunghinz.



▲ Vih vunzlai yienhciengz sij doiqlienz mbouj aeu cienz.

Sanhgyangh: “Yezyej” Coux Ciengmoq

三江: “月也”迎新春

1 nyied 31 hauh Sanhgyangh Duncuz Swciyen Liengzgouj Yangh Hozlij Cunh gawjhengz aen hozdung “yezyej”, gyoengq vunzlai Duncuz daj mbanj seiqhenz daeuj haenx aeu boq aenvenz、doiqfwen、ciengq golaux、yienj Heiqdung、ngaizbakranz daengj lienzvuen gikcingz minzsuz hozdung, angq coux ciengmoq.

“Yezyej” eiqsei de dwg aen mbanj caeuq aen mbanj ndawde doxcomz guhhek, dwg cungj sibgvenq se’gyauh cienzdoengj Duncuz.

(Vuz Lenyinh/吴练勋)



▲ Daihgya caez gwn ngaizbakgya.